

吳
中
舊
事

陸友仁 撰

中
華
書
局

吳中舊事提要

吳中舊事一卷。元陸友仁撰。友仁字輔之。吳郡人。此書蓋紀其鄉之軼聞舊迹。以補地志之闕者。其體例則小說家流也。其中如辨吳會吳下之名。及陸贄墓。張籍宅。和令坊。高彪碑之類。皆足以資考證。又如紀陳長方。潘兌事。紀朱勔事。亦足以資法戒。其他如范純佑。慕容崑卿事。頗爲不經。李璋事亦頗猥瑣。然古人雜記之書。類多如是。不足爲友仁訾也。惟所載鹿苑臺銘記云。永和七年。陸機建碑。王羲之書。則二人時代邈不相及。殊失之於不考耳。友仁嘗著研北雜志一書。久行於世。惟此書傳本絕稀。自序稱參記舊聞一百餘事。今所存祇九十三條。且字句時有說脫。謾于其可考者各校正之。存備說部之一種。固愈于他小說之荒唐悠謬不軌于正者焉。

吳中舊事

四庫全書原本

元 陸友仁撰

吳中山水清嘉。衣冠所聚。今其子孫往往淪落無聞。其遺風餘俗邈不可致。故因暇日參記舊聞。凡一百餘事。庶資郡乘之萬一云爾。

李育字仲蒙。吳人。馮當世榜第四人登第。能爲詩。性高簡。故官不甚顯。亦少知之者。與外大父晁公善。尤愛其詩。先君嘗得其親書飛騎橋一篇于晁公。字畫亦清麗。以爲珍玩。詩云。魏人野戰如鷹揚。吳人水戰如龍驤。氣吞吳王唯魏王。建旗敢到新城旁。霸主心當萬夫敵。麾下倉皇無羽獍。塗窮事變接短兵。生死之間不容息。馬奔津橋橋半撤。洶洶有聲如地裂。蛟怒橫飛秋水空。鸛驚徑度秋雲闕。奮迅金羈汗沾臆。濟主艱難天借力。艱難始是扶主時。平日主君須愛惜。

蔣侍郎堂家藏楊文公與王魏公一帖。用半幅紙。有折痕。記其略云。昨夜有進士蔣堂攜所作文來。極可喜。不敢不布聞。謹封拜呈。後有蘇子瞻跋云。夜得一士旦而告人。察其情。若喜而不寐者。蔣不知何從得之。在其孫彝處。海圖案彙一作彝

程光祿師孟。吳下人。樂易純質。喜爲詩。效白樂天。而尤簡直。至老不改吳語。與王荊公有場屋之舊。荊公頗善之。晚相遇。猶如布衣時。自江州致仕歸吳。原案宋史師孟致仕在知常州之後。此云江州恐誤。適荊公在蔣山。留數日。時已年七十餘。荊公戲之曰。公尙欲仕乎。曰。猶可更作一郡。荊公大笑。知其無隱情也。

蘇子美云。吳中渚茶野醞。足以銷憂。蓴鱸稻蟹。足以適口。又多高僧隱君子。佛廟絕勝。家有園林。珍花奇石。曲池高臺。魚鳥留連。不覺日暮。遂終此不去焉。

諸珣字永叔。隱君子也。鄉人罕識之。章丞相程光祿尤與之厚善。海虞案諸珣一作朱珣

林德祖虛云。余家自伯父皇考洎諸父奉王大母來居于蘇。著籍此州者五十年矣。今帶城橋儒學坊爲吾家榜也。橫山之寶華。華山之博士塢。吾家三世之所葬也。華山有智顯寺。宋紹聖四年。知樞密院事林希請爲功德寺。遂加慈嚴之額。林氏墓在寺後。

穹窿寺有米元章題草書壁。高宗嘗欲取去。有狀免。不曾移徙。原案虛艮。蘇州府志云。寺舊有米芾大書詩曰。穹窿石移。狀元來歸。淳熙初。山中大石一夕自東徙。西吳縣黃由遂狀元及第云云。此段文不連屬。疑有脫悞。

林樞密家在寶華山下。故書手澤多爲人所得。余家藏其手書左傳訓練二帙。末有題字云。姑蘇林子中借錄。藏于家。

辛卯仲秋中澣。歲大水。霖雨不止。原案此下疑有脫文。

紹興中有于古塚得故外黃令高君碑。隸書殘缺。乃東漢高彪。漢書傳云。彪。吳郡無錫人。後遷內黃令。帝敕同寮臨送。祖于上東門。彪到官。有德政。上書薦縣人申屠蟠等。卒于官。史以外黃爲內黃。誤矣。當以墓碑爲正。槁簡贅筆。原案宋詩紀事。章淵作。槁簡贅筆。原本訛。槁簡爲槁。今改正。隸釋云。紹興中。吳郡取土于郭外而得之。今碑在郡齋。

章伯深謂言吳中風俗。上元夜。鏡歌鼓吹喧街市。謂之旱划船。

龍溪曾旻彥和會稽賀鑄方回二家書最多其子獻之朝各命以官皆經彥和方回手校二家並居郡中今西山羊腸嶺有彥和之父墓碑

范文正公長子監簿純佑自幼警悟明敏過人公所料事必先知之善能出神公在西邊凡敵情機事皆預遙知蓋出神至敵廷而得之故公每制勝料敵如神者監簿之力也一日因出神爲人所驚自此神觀不足未幾而亡時甚少也張子賢聞之公之族子闇彥和云

平江自朱勔用事花木之奇異者盡移供禁籙下至墟墓間珍木亦遭發鑿山林所餘惟合抱成圍或擁腫樗散者乃保天年建炎己酉冬至庚戌春宣撫使周望留姑蘇諸將之兵斧斤日往樵斫盡棟梁之材析而爲薪莫敢如何諸山皆童矣亦草木一時之厄耶

宣和間朱勔應奉進爲節度使子汝賢慶陽軍承宣使汝功靜江軍承宣使汝文閣門宣贊舍人弟責閣門宣贊舍人汝戮朝奉大夫直龍圖閣汝舟明州觀察使汝明榮州刺史孫絳釋約絢緯綬原案原本綬作綬今改正並閣門宣贊舍人綽紳並閣門祇候一時軒裳之盛未之有也靖康初籍其家悉追奪竄嶺表

宣和癸巳春勔採石太湖竈山得一石長四丈有奇廣得其半玲瓏嵌空竅穴千百非雕刻所能成也并郡宅後池光亭臺上有白公榆世傳白樂天手植也創造二大舟費八千緡以獻時常潤間河渠淺淤重載不前乃先繪圖以聞宸翰賜石名神運昭功敷慶萬年之峰是秋方至京師詔置于艮嶽建炎庚戌二月二十五日金兵陷平江府兩浙宣撫使周望移兵退保崑山縣泊舟馬鞍山下湖邊吏方用印忽有風

旋轉入舟。印與文移盡捲入水。相視駭愕。使水工探之不獲。望懼北兵之來襲也。欲急走屯通惠鎮。爲失印所撓。留吏求之。吏禱于馬鞍山神曰。靜濟侯者。曰。苟不獲。將得罪。必焚廟而行。縣宰亦懼。乃作堰捍水。以蹋車涸之。畚插如雲。鑿數尺始得之。已淪于泥中矣。墨莊漫錄

新唐書載張籍和州烏江人。而張洎作張司業詩序云。籍。蘇州吳郡人。二者無可攷證。今烏江縣有張司業宅。則疑傳載爲是。余因以詩集攷之。有贈陸暢詩云。共蹋長安街裏塵。吳州獨作未歸身。胥門舊宅今誰住。原案原本吳州作吳門。誰住。住作誰。在今從本集改正。君過西塘爲問人。由是可知籍吳人無疑矣。抑亦嘗寓烏江耶。考韓文公文。亦曰吳郡張籍。

府署之南名吳會。黃外反。坊。按後漢蔡邕傳。亡命江海。遠跡吳會。音與會計之會同。注。引會稽高遷亭竹椽爲笛事。又諸葛孔明說荊州形勢曰。東連吳會。王羲之爲會稽內史時。朝廷賦役繁重。吳會尤甚。石崇論伐吳之功曰。吳會僭逆。指言孫氏。則吳會當是吳郡與會稽。猶言吳越也。蓋不獨謂姑蘇。今坊名吳會。未知何據。而然。前漢吳王濞傳。上患吳會輕悍。卽吳郡會稽也。

吳郡多謂人爲獸子。唐韻云。獸。小犬癡不解事者。

慶歷間。安定胡先生在吳學。蘇子美被誣。退居滄浪亭。太常博士陳虞卿壯歲致仕而歸。吳人稱三賢人。胡先生以教子美以文。虞卿以行。名重天下。

程若筠。吳中道士。善畫。嘗召至京師。

秀峰寺西二十里至三洋。有福林寺。寺門石幢刻唐咸通年。又云。上當慶忌。尼寺。蓋寺舊名云。字已漫滅。
海陽案三洋一作三泮

吳農忌五月甲申乙酉雨。則大小麥不收。諺云。甲申猶自可。乙酉怕殺我。海陽案大小麥三字一作大水

范致能有會散夜步詩云。忘却下樓扶我誰。接羅顛倒酒沾衣。貪看雪樣滿街月。不上籃輿步砌歸。步砌吳語也。

雕簷綺戶。倚晴空如畫。曾是吳王舊臺榭。自浣紗人去後。落日平蕪。幾見花開花謝。淒涼闌干外。一簇江山。多少圖王共爭霸。莫閒愁。金杯潑灑。對酒當歌。歡娛地。夢中興亡休話。漸倚遍。西風晚潮生。明月裏。鷺鷥背人飛下。余每登姑蘇臺。讀潘庭堅柱間洞仙歌。輒徘徊不忍去。元統三年冬。郡守濟南張侯新修此臺。易去舊柱。遂不復存。庭堅淳祐中嘗爲浙西茶鹽司幕幹官。

鄧道樞。字應叔。綿州人。端平甲午。隨魏文靖公舟下瞿塘峽。越五年抵吳。原案此下疑有脫文

僧妙應者。俗姓童。鄉人呼爲童和尚。妙于刻石。居隆興寺。嘗模廬山王翰須菩提像。刻寺中。其碑陰作天台五百尊者。筆法奇古。又于虎邱作石觀音像亦佳。淳熙中人。

五柳堂者。胡公稷言所作也。其宅乃陸魯望故址。所謂臨頓里是也。

楊懿儒。原案吳郡志儒作孺字彝父。其先浦城人。與方子通同時。號吳中二老。

楊友夔。字舜韶。有文行。許彥周云。舜韶長僕十餘歲。向同在姑蘇時。盜發孫堅墓。楊作詩云。闔閭城南荒。

古邱。昔誰葬者。孫豫州。久無行客爲下馬。時有牧童來放牛。嗚呼。舜韶今亡矣。他詩皆工。必可傳世也。孫實字若虛。郡人少負俊聲。特好滑稽。談笑有味。壯遊鄉校。同舍多出田里富家。以孫之貧。不甚加禮。而一牛姓者尤所侮玩。因作牛秀才賦嘲之。中有云。腰帶頭垂。尙有田單之火。幘頭角上。猶聞寧戚之歌。賦成。聞者絕倒。是時樂圃先生朱長文爲州學教授。命其父訓飭之。遂發憤適京師。入太學。登第而歸。仕至朝奉大夫。知光州卒。

丁晉公自光州歸葬華山。所居在大郎橋。堂宇甚古。有層閣數間。臨其後。諸孫德隅善篆。亦工于四六。鄭宣徽戡字天休。居臯橋。葬橫山。

林顥字叔平。本長樂人。徙居吳中。有子六人。曰希。字子中。旦。字次中。劭。字才中。穎。字傳中。相繼俱登科。其二蚤卒。希爲知樞密院事。諡文節。旦爲殿中侍御史。劭爲顯謨閣學士。諡正肅。穎爲光祿卿。希之子虛中。詞科。旦之子慮。亦登第。有文行。劭之子慮。賜出身爲中書侍郎。近世儒門之盛。必推林氏云。王仲言聞之。陳齊之云。林叔平。仁宗朝老儒也。其子希。旦。劭。穎。俱擅克家之業。叔平沒時。有二子尙在襁褓。未名。旣長。兩兄乃拆其名。示不忘父訓。曰希。曰旦。曰劭。曰穎。後皆爲聞人。號衣冠名族。

葉少蘊云。今言平江府爲吳下。灌嬰傳云。渡江破吳郡長吳下。吳郡蓋平江也。下概言之。猶稷言稷下。敖倉言敖下云爾。

潘勻字叔治。登第。爲吳興都掾。後絕意祿仕。遍游天下佳山水。有雁蕩百詠。自號癸甲先生。或問其故。曰。

終始之義也。後果以癸日卒。甲日殯。

葉少蘊又云。吾鄉有老儒。方惟深者。字子通。能詩。嘗爲王荊公所知。用意精苦。所居陋巷。終日閉門。遇有詩思。卽又閉其室。步行其中。引手瞑目。若與人語。或空中搏拏跳躍。故里人戲之。爲方捉鬼。子通嘗徑造一園亭。不遇主人。自盤礴終日。因題詩壁間云。何年兀突亭前石。昔日何人種松柏。乘興閒來就榻眠。一枕清風君莫惜。城西今古陽山色。城中誰有千年宅。來往何須問主人。主人自是亭中客。其洒落如此。釋仲殊一日訪子通。留詩云。多年不見玉川翁。今日相逢小樹東。依舊青氈無長物。只餘松檜養秋風。可見其清簡矣。

陳長方。字齊之。其先長樂人。父侁。字復之。娶林大卿旦之女。大雪翁處之妹。與陳瑩中交甚契。瑩中謫廉州。侁以書賀之。至于餘言。由此得罪。又嘗從游定夫。深得治氣養心行己接物之要。故其子亦爲道學之士。齊之因外家居于步里。終日閉戶研究經史。號唯室先生。有步里客談。漢唐論行于世。其弟少方。字同之。亦端慧不羣。號二陳云。

章氏本建安人。郇公之裔。後徙居于吳者有二族。子厚丞相家州南。質夫樞密家州北。兩第屹然。輪奐相望。爲一州之甲。吳人號南北章以別之。

吳郡城北五六里有一大家。在官塘之西。相傳爲唐陸宣公墓。故其地名陸墓。水名陸塘。淳熙間。有于墓旁得遺刻。與所傳合。郡人周虎。張震發皆紀其事。或者謂公雖郡人。生于嘉興。寶華寺乃公故宅。自貶忠

州別駕薨于忠州。其喪不曾還吳。按忠州圖經。陸宜公墓在玉虛觀南三十步。豈舊墓葬于此。又謂公已歸葬。而忠州特設虛冢爾。

郡治之東有和令坊。今名槐樹巷。或以爲楊和王存中所居而然。非也。按圖經在唐季已有此名。紹興初。楊始籍爲園。垂三十年。楊方進封和國。雖事偶合。亦先兆也。

史發運宅在帶城橋。淳熙初。宅成。計其費一百五十萬緡。僅一傳不能保。僦直十萬緡。久不售。後爲丁季卿以一萬五千緡得之。紹定末。丁又不能保。趙汝橢來爲浙西提刑官。占爲百萬倉和糴場。故老說發運初歸時。舳艫相銜。凡舟自葑門直接至其宅前。用發運司案紙黏牕。袁黏麪六七石。自後僅易目前耳。此句語意未明。似有脫誤。萬卷堂環列書四十二廚。寫本居多。始則論斤買爲故紙。其後勢家每廚止得一十千。席卷而去。

范萼字伯達。在太學。嘗試禹稷顏回同道論。學官見之。以爲奇作。置之魁選。遂馳譽京師。學者至今以爲模範。入館除秘書郎。成象成大。卽其子也。

郭氏本郡中小民。所謂林酒仙者。每至其家。必解衣以醉之。酒仙遷化前數日。語郭氏曰。曠昔荷相接之勤。以藥一杯爲報。郭氏以味惡。頗難之力。強之飲三呷而止。酒仙自舉而盡。遂授以硃砂圓方。曰。惜乎富及三世爾。郭氏竟售此藥。四方爭求買之。自此家大富。及三世後。絕無有欲之者。

張震發字元龍。郡人。嘉定七年。袁省原按處熊蘇州府志作袁市。勝進士廷傑漢之曾孫也。

孫仲益守郡日戶口已四十三萬。原案仲益孫觀之字考吳郡志引觀世明寺記云宜和間戶至四十三萬仲益守郡日實數也此作孫仲益且其語未詳亦似有脫文

徐稚山侍郎有妹能詩大不類婦人女子所爲其詩冲澹蕭然出俗自成一家

姚濟字子齊郡人淳熙二年進士張□字季安陳少皋字舜卿原按此條疑有脫誤

朱冲微時以賣藥爲業後其家稍溫易爲藥肆生理日益進以行不檢兩受徒刑既擁多資遂交結權要然亦能以濟人爲心每春秋之交卽出錢米藥物募醫官數人巡門問貧者之疾從而賙之又多買敝衣擇市嫗之善縫紉者製衲衣數百當大寒雪盡以給凍者其子勗因賂中貴人以花石得幸時時進奉不絕謂之花石綱凡林園亭館以至墳墓間所有一花一木之奇怪者悉用黃紙封識不問其家徑取之浙人畏之如虎花石綱經從之地巡尉護送遇橋梁則徹以過舟雖以數千緡爲之者亦毀之不恤初江淮發運司於真揚楚泗有轉搬倉綱運兵各據地方不相交越勗旣進花石遂撥新裝運船充御前綱以載之而以舊者載糧運直達京師轉搬倉遂廢糧運由此不繼禁衛至于乏食朝廷亦不之問也勗之寵日盛父子俱建節鉞卽居第創雙節堂又畫徽宗御容置之一殿中監司郡守必就此朝朔望勗嘗豫內宴徽宗親握其臂與語勗遂以黃帛纏之與人拊不舉此臂弟姪數人皆結姻帝族黃線得至顯官者甚衆勗有園極廣植牡丹數千本花時以綵綵爲幙帟覆其上每花飾金爲牌標其名如是者里許園夫畦子藝精種植及能壘石爲山者朝釋負擔而暮紆金紫如是者不可數計園中有水閣作九曲路以入春時

縱婦女游賞。有迷其道者。勸設酒食邀之。或遺以簪珥之屬。人皆惡其醜行。一日勸敗。檢估其家。原按厚作宜。今改正。資有黃發勾者。索與勸不協。既被旨。黎明造其室。家人婦女盡驅之出。雖閭巷小民之家無敢容納。不數日已墟其園。所謂牡丹者。皆折以爲薪。每一花牌。估直三錢。勸誅。又竄其家於海島。前日之受誅身者。盡視之。當時有謔詞譏之。

朱勸之葬其父。盛飾一女奴一僮以殉之。僮奴不知其死也。忻忻然從柩而入塋。靖康末大饑。郡人怨毒入骨。劫其塋而碎其骨。初入塋門。見骸骨二具。猶志之曰。此僮奴也。

秦檜妻之弟王暕。字顯道。紹興初。知府事。峻於聚斂。酷於用刑。然其規爲亦有可取者。兵火之餘。故墟瓦礫山積。乃錄入城小舟。原按原本作錄入小。出必載瓦礫以培塘。人以爲便。石之破碎者。積而焚之。以泥官舍。不賦于民而用有餘。覺報寺其私家祠也。黃堂前銘饒鑄大士像。而人不敢言。每刺鹿血熱酒中飲之。以求補益。未幾疽發于脅而死。海島案骨一作臂。

葉少蘊言。吳人俚語。若等人易得。瞋人易得。醜。雖鄙亦甚有理。

徐敦立言。往歲吳中多詩僧。其名往往見于前輩文集中。余渡江之初。猶見有規者。頗以詩知名。其爲人性坦率。其徒謂之規方外。時年七十餘矣。談論蕭散可喜。臨終前數日。有詩曰。讀書已覺眉稜重。就枕方欣骨節和。睡去不知天早晚。西牕殘日已無多。葉左丞大愛之。

潘兌。字說之。吳人。事徽宗爲侍從。宣和初。奉祠居里中。時郡民朱勸以倖進。寵眷無比。父冲殂。勸護喪歸。

葬鄉閭傾城出迓而潘獨不往潘之先塋適有山林形勢近冲新阡勛欲得之乃修敬于潘潘杜門不納勛恃恩自恣遣人諷之且席以薰天之勢潘一切拒之勛歸京師果擢于上御筆奪之已而又誅御史詆之以罪而觀潘之職雖抑之于一時而吳人至今稱之

龔敦頤字養正和州人兵部侍郎原之曾孫居于郡中有史學念元祐諸臣以及建中靖國上書等人多表表立名節經崇寧禁錮靖康流離子孫不能盡存平生施爲漫不可考慨然屬意求訪遺闕遂成列傳譜述一百卷凡名立兩籍三百九人原作十今改正而書于編者三百五人其不可詳者四人而已淳熙七年周益公必大修國史薦之得旨給札繕寫以進後七年洪景盧以翰林學士領史事復薦之得上州文學

郊僑字喬年元豐中人幼學警悟

按此下疑有脫文

章季思其先池州人徙浦城後因高祖葬吳遂爲郡人焉祖父皆隱約不仕季思嘗問學于朱文公隱居白屋出入徒步人稱之曰聘君貴之也平生足跡未嘗越州境而四方之人無不知有章季思士大夫過吳以不見爲歎其爲人慕尚如此作詩至多遇紙卽書書成任人取去以此爲樂終身不厭年七十八以疾終於家將卒時其正寢梁木折壞有聲人皆異之郡人胡淳從季思學歲時致醪醴薪米其卒也又代二子書世出內壙中淳字以初

姑蘇李璋敏于戲調偶赴隣人小集主人者雖富而素鄙會次適李坐其旁旣進食璋視主人之前鮭魚

特大于衆客。璋卽請主人曰。璋與主人俱蘇人也。每見人書蘇字。不同其魚。不知合在右邊是。合在左邊是。主人曰。古人作字。不拘一體。移易從便也。璋卽引手取主人之魚示衆曰。領主人指揮。今日左邊之魚。亦合從便。權移過右邊如何。一坐輟飯而笑。有一故相遠派在姑蘇。嘗題游處壁曰。大丞相再從姪某嘗遊。璋題其旁曰。混元皇帝三十七代孫李璋繼至。

吳俗好花。與洛中不異。其地土亦宜花。古稱長洲茂苑。以苑目之。蓋有由矣。吳中花木。不可殫述。而獨牡丹芍藥爲好尙之最。而牡丹尤貴重焉。舊寓居諸王皆種花。往往畧替。花亦如之。盛者唯藍叔成提刑家最好。并有花三千株。號萬花堂。嘗移得洛中名品數種。如玉盃白。景雲紅。瑞雲紅。勝雲紅。玉間金之類。多以游宦不能愛護輒死。今惟勝雲紅在其次。林得之知府家有花千株。胡長文給事。成居仁太尉。吳謙之待制家。種花亦不下林氏。史志道發運家亦有五百株。如畢推官希文。章承務俊心之屬。多則數百株。少亦不下一二百株。習以成風矣。至穀雨爲花開之候。置酒招賓就壇。多以小青蓋或青幕覆之。以障風日。父老猶能言者。不問親疎。謂之看花局。今之風俗不如舊。然大概賞花。則爲賓客之集矣。方臘之起。郡中令保甲巡邏。雖士流亦不免。范無外率府學諸生冠帶夜行。用大燈籠書一絕句于上曰。自古輕儒執若秦。山河社稷付他人。而今重士如周室。忍使書生作夜巡。太守聞之。亟爲罷去。盛章作守。頗嫚士。范因元夕府會。作寶鼎見詞投之。極蒙嘉獎。遺以酒五百尊。其詞至今傳播。袁鰲字可久。崑山人。紹興十二年進士。有文齋雅記。子宗仁。中詞科。

甫里白蓮花寺。乃陸魯望故宅之所。後有祠堂。貌像蓋當時物。咸淳間。有盛氏子醉遊寺中。因仆其像于水中。則滿腹皆其平生詩文親稿也。寺僧訟于郡。時郡守倪普源怒之。遂徙坐而更塑其像。雖足少雪天隨之辱。而無復昔時之腹稿矣。

黃子由尙書夫人胡氏。元功尙書之女也。俊敏強記。經史諸書。略能成誦。善筆札。時作詩文。亦可觀。于琴奕寫竹等藝尤精。自號惠齋居士。時人比之李易安云。

范文穆公成大。晚歲卜築于郡之盤門外十里。蓋因閩廬所築。越來溪之故基。隨地勢高下而爲亭榭。所植多名花。而梅尤甚。別築農圃堂。對楞伽山。臨石湖。所謂姑蘇前後臺。相距亦止半里耳。孝宗嘗御書石湖二大字以賜之。公作上梁文。所謂吳波萬頃。偶維風雨之舟。越戍千年。原案原本戊辰作午。今改正。因作湖山之觀者。是也。又有北山堂。千巖觀。天鏡閣。壽樂堂。他亭字尙多。一時勝士賦詠。無不極鋪張之美。乾道壬

辰三月上巳。周益公必大以春官去國過吳。公招飲園中。夜分留題壁間云。吳臺越壘。距盤門才十里。而陸沉荒烟野草者。千七百年。紫薇舍人始創別墅。登臨之勝。甲于東南。豈鴟夷子成功于此。扁舟去之。天闕絕景。須苗裔之賢者。然後享其樂耶。公爲之擊節。而前後所題盡廢焉。

黃端冕家有白鹿巖。梅溪鹿苑臺銘記云。維定武

原案歷代帝王紀。元無定武年號。惟吳大帝建元黃武。定字或是黃字之訛。

六年八月日銘。

大晉永和七年。歲在辛亥。三月十九日。平原內史陸機再建立。

原案陸機乃西晉人。不華陽真逸書。字畫及永和此條蓋出偽託。

蓋王逸少書。端冕以爲視此刻。則瘞鶴銘爲右軍書無疑矣。端冕名縷。其先建安人。居光福山中。父榮直。

秘閣端冕宜和末屢上書言事。李丞相綱爲行營使。嘗居帳府。遭亂還鄉。紹興初。有文名。其後有名簡字元易者。博學強記。善談吐。能爲詩文樂府。所著有東浦集。雲墅談雋。端冕之弟司理緯。字師文。善鑒。有奇中喻子才。其妹之夫也。

晁補之云。近見蘇子美墨跡一卷。皆自書其所作詩。行草爛然。龍蛇飛動。其中有獨酌詩云。一酌澆腸俗。慮奔。鸚鵡鵬大豈堪論。楚靈當日能知此。肯入滄江作旅魂。卷尾題云。慶歷乙酉十月。書于姑蘇驛。今考其詩。蓋是被罪之明年。居滄浪亭時所書。其詩語放曠如此。或謂其流落幽憂以終。非也。

清源莊季裕云。建炎三年。寓長洲縣彭華鄉高景山。北白馬澗。張氏舍。時山上設烽火。日舉以報平安。留月餘。卽過浙東。臨行。書一絕于壁間云。昔年領牒佐邊侯。愁望長安向戍樓。今日衰顏來澤國。又看烽火照長洲。是冬金人侵杭。越明年春正月。由平江以歸。白馬澗去城十八里。有宅百餘區。盡被焚毀。獨留余所居。于壁邊題耿先生到此不燒七字。

畢良史。字少董。一字伯瑞。東平人。丞相文簡公五世孫。風度凝遠。少游京師。四舉禮部不中。出入貴人之門。遭亂南渡。僑寓興國軍。江西漕蔣粲喜其鑒辨博洽。資給令赴行在。遂以博古說動諸內侍。內侍皆喜之。上方搜古器書畫之屬。恨未有能辨其真僞者。得良史甚悅。月給餐錢五十千。仍令內侍延請爲門客。又得束脩百餘千。而食客滿門。隨有輒盡。用族人恩澤補上州文學。紹興中。爲東京留守屬官。權知東明縣。東京再陷。卽罷從事。留北境三年。著春秋正辭。論語探古。有宋城哲夫李師微。願良執經師之。宋執一

卷書背立。且讀且止。李執一卷書向其師者有問者。而良史坐一榻上。後有二女奴。各有所執。而阿冬者坐其間。良史之季子也。女奴之鬻者曰孫壽。冠者曰馬惠真。好事者寫爲繙經圖。陷北境時。嘗褐衣走間道。卽以蠟書上之。泗上繼好勸隨蕭誼以歸。歸日進所著書。改秩陞朝。後以直敷文閣知盱眙軍以卒。子希文。希旦。至今子孫多居吳中云。

潘夢旂字天錫。郡人。慶元二年。鄒應龍榜進士及第。所著有漢兵編。

程泳之。沂伊川先生之孫。知崑山縣。秩滿。其弟鉅爲府監倉。乃攜其家就居焉。

王陵字希武。參知政事綱之子。有第宅在崑山。

紹興三年癸丑八月五日。長洲縣地震。自西北方來。樹木皆搖動。父老云。元祐九年九月二十一日嘗如此。又紹興十三年癸亥三月十五日清明大雪盈尺。

郡人潘擇可。崇寧五年。以舍法貢入京師。未至。夜夢衣褐。挽車三十兩。其弟端夫衣綠隨其後。政和三年。擇可以上舍釋褐。後三十年。端夫始就恩科。乃悟挽車三十者。三十載也。

孫价字元業。居郡中。其子紹遠字緒仲。提舉福建常平。紹祖字文仲。俱有文學政事。

錢俛字繼大。郡人。趙達勝進士及第。嘗任著作郎。將作少監。

李益字彥中。郡人。嘉王原案宋史徽宗重和元年策進士有司以嘉王楷第一。榜上舍出身。帝不欲楷先多士。遂以王昂爲榜首。則此應作王昂。

魏志字幾道。郡人。紹興四年進士。盧彥仁龍圖閣直學士。秉之孫。